

故事志三

光緒順天府志六十七

兵事

吳橋劉恩溥纂江陰繆荃孫覆輯

燕京博大爽塏形勢雄偉自古用武之國也自漢迄唐均爲北方重鎮安巴堅起於遼而王氣鍾焉然僅有幽薊之地未能統一中原迨金元明建都於此兵革侵伐無世無之我

朝八旗勁旅削平巨憝小民不識兵革享承平之福者業二百餘年自非厚澤深仁肌膚淪浹曷克臻此咸同之際洋舶駛至天津通商內地者二十餘國海口設防不虞是戒有心時事者不能無世變之感矣志兵事

周

成王十二年王師燕師城韓

竹書紀年

惠王十二年山戎來侵齊桓公救燕北伐山戎

燕世家

景王九年齊侯伐北燕

春秋昭六年

顯王十四年齊師及燕師戰於洵水齊師遁

竹書紀年

赧王元年燕太子平將軍市被圍公宮攻子之不克市被及百姓

反攻太子平市被死以徇因構難數月死者數萬人齊王令章子

將五都之衆以伐燕士卒不戰城門不閉遂大勝燕

燕世家

四十

三年秦魏楚共伐燕

大事記

燕王喜五年趙將廉頗追燕師五百餘里遂圍燕燕王割五城以

和

周季編略

按通鑑此事於前年據趙世家戰於此年

六年趙使信平君廉頗武襄君

樂乘伐燕圍其國都燕重禮以和乃解

趙世家

十二年趙以李牧

爲將伐燕取方城

通鑑

十九年趙攻燕取狸陽城

史記趙世家按狸陽在

密雲縣南

二十八年燕太子丹使荆軻刺秦王秦王殺軻以徇使王

翦辛勝攻燕破燕軍易水之西

史記

二十九年王翦大破燕太子

軍拔薊城

史記

秦

始皇二十六年定燕地

大事記

二世元年七月發閭左戍漁陽陽城人陳勝陽夏人吳廣爲屯長

叛攻掠城邑勝自立爲楚王以陳人武臣爲將軍北徇趙地武臣

自號爲武信君進軍圍范陽

前漢紀

八月武信君自立爲趙王使

韓廣北徇燕地廣乃自立爲燕王

通鑑七

漢

高帝元年二月項羽徙燕王韓廣爲遼東王都無終立燕將臧荼

爲燕王都薊八月荼殺廣

通鑑九

五年七月燕王臧荼反上自將

擊燕九月虜臧荼封太尉盧綰爲燕王

前漢紀

十二年二月燕王

盧綰反周勃以相國代樊噲將擊下薊

史記

立皇子建爲燕王

通鑑十二

盧綰率其黨且萬人降匈奴往來苦上谷以東終高祖世漢書列傳

景帝中二年二月匈奴入燕通鑑十六

武帝元光六年秋以衛尉韓安國為材官將軍屯漁陽通鑑十八

元朔元年秋匈奴入漁陽前漢紀二年正月匈奴入上谷漁陽殺

掠吏民千餘人通鑑十八

元封間堅盧范生之屬攻略燕趙城邑史記

王莽始建國二年詔追討滅將軍嚴尤出漁陽擊匈奴通鑑三十七

更始二年正月光武以王郎新盛乃北徇薊故廣陽王子劉接起

兵薊中以應耶光武趣駕而出至南城門門已閉攻之得出遂南

馳耿弇北走昌平就其父況時王郎遣將徇漁陽上谷急發其兵

況與漁陽太守彭寵各遣將吳漢寇恂等突騎來助擊王郎南攻

薊殺王郎大將趙闓定涿郡通鑑三十九五月更始遣使立光武為

蕭王令罷兵耿弇願歸幽州益發精兵秋光武拜弇爲大將軍與

吳漢北發幽州十郡兵

後漢書光武紀

更始幽州牧苗曾勅諸部不得

應調吳漢將二十騎先馳至無終斬曾耿弇至上谷亦斬更始漁

陽太守蔡充於是悉發其兵

通鑑三十九

後漢

光武建武元年四月彊弩將軍陳俊與五校戰於安次追奔二十

餘里斬其渠帥而還五校引退入漁陽所過虜掠光武還薊復遣

耿弇與吳漢等追賊至潞東及平谷斬首萬三千餘級

通鑑四十

二

年詔漢忠將軍王常北擊漁陽平諸屯聚

後漢王常列傳

二月行漁陽

太守事漢安樂令彭寵反自將二萬餘人

後漢彭寵列傳

攻幽州牧朱浮

於薊

後漢光武紀

分兵徇廣陽上谷太守耿況遣子舒將突騎救

浮寵兵乃退帝使游擊將軍鄧隆救薊隆軍潞南浮軍雍奴寵盛

兵臨河以拒隆又別發輕騎三千襲其後大破隆軍浮遠不能救

引而去

後漢書彭寵列傳

三年春二月涿郡太守張豐反自稱無上大

將軍興彭寵連兵寵遂攻拔薊城自立爲燕王命征虜將軍祭遵

等擊之

後漢書彭寵列傳

四年遣建議大將軍朱祐建威大將軍耿种

征虜將軍祭遵驍騎將軍劉吾討張豐於涿郡祭遵擊豐斬之遵

屯良鄉劉喜屯陽鄉

東觀漢記喜作嘉通鑑四十二

以拒彭寵寵遣弟純將匈

奴二千餘騎寵自引兵數萬分爲兩道以擊遵喜胡騎經軍都舒

襲破其衆斬匈奴兩王寵乃退走况復與舒攻寵取軍都

後漢耿种列傳

五年彭寵蒼頭子密斬寵及妻頭詣闕其尙書韓立等共立寵

子午爲王國師韓和斬午首詣遵降

通鑑四十二

九年漢忠將軍王

常屯涿郡破姦將軍侯進屯漁陽以備匈奴

通鑑四十二

十五年徙

雁門代郡上谷吏民六萬餘口置居庸常山關東以避胡寇

通鑑四十二

三

十六年郡國盜起幽冀尤甚

通鑑四十三

明帝永平十六年匈奴入雲中遂至漁陽太守廉范擊卻之

後漢廉范

列傳

和帝永元十三年鮮卑寇右北平遂入漁陽太守擊破之

後漢和帝紀

殤帝延平元年鮮卑寇漁陽漁陽太守張顯追擊戰歿

後漢殤帝紀

元龜作安帝元初中

安帝永初三年六月烏桓寇上谷涿郡

後漢安帝紀

元初元年五月鮮卑攻居庸關

通鑑

建光元年八月鮮卑寇居庸關九月雲中太守成嚴擊之

後漢安帝紀

兵敗鮮卑於是圍烏桓校尉徐常於馬城度還將軍耿种與幽州

刺史龐參發廣陽漁陽涿郡甲卒救之

通鑑

順帝永建三年九月鮮卑寇漁陽

後漢順帝紀按鮮卑列傳作三年四年鮮卑頻寇漁陽

靈帝建甯元年十月鮮卑犯幽州殺略吏民自此以後無歲不犯

塞後漢靈帝紀

熹平二年通鑑作元年十二月鮮卑寇幽并二州後漢靈帝紀四年五月

鮮卑寇幽州後漢靈帝紀五年鮮卑寇幽州後漢靈帝紀六年夏鮮卑

寇邊烏桓校尉夏育請發幽州諸郡兵出塞討之後漢紀

光和二年鮮卑寇幽并二州後漢靈帝紀三年冬鮮卑寇幽并二州

後漢靈帝紀四年十月鮮卑寇幽并二州後漢靈帝紀

中平元年四月廣陽黃巾殺幽州刺史郭勳及太守劉衛後漢靈帝紀

三年十二月鮮卑寇幽并二州後漢靈帝紀四年六月張溫發幽

州烏桓突騎三千以討涼州故中山相漁陽張純請將之溫不聽

而使涿令遼西公孫瓚將之軍到薊中烏桓以牢棗逋縣多叛還

軍國張純忿不得將乃與同郡故泰山太守張舉及烏桓大人耶

力居等連盟劫略薊中殺護烏桓校尉公綦稠右北平太守劉政

遼東太守陽終等衆至十餘萬屯肥如舉稱天子純稱彌天將軍

通鑑五十八

五年烏桓反叛與賊張純等攻薊中復與畔胡耶力居

等寇漁陽

後漢公孫瓚傳

九月遣中郎將孟益率騎都尉公孫瓚討漁

陽賊張純等戰於石門大破之

後漢靈帝紀

六年三月幽州牧劉虞

購斬張純

後漢靈帝紀

獻帝初平四年十月劉虞與公孫瓚積不相能瓚數與袁紹相攻

虞禁之不可而稍節其稟假瓚怒屢違節度又復侵犯百姓虞不

能制乃遣驛使奉章陳其暴掠之罪瓚亦上虞稟糧不周二奏交

馳互相非毀朝廷依違而已瓚乃築小城於薊城東南以居之虞

數請會瓚輒稱病不應虞恐其終爲亂乃率所部兵合十萬人以

討之時瓚部曲放散在外倉卒掘東城欲走虞兵無部伍不習戰

又愛民廬舍敕不聽焚燒戒軍士曰無傷餘人殺一伯珪而已攻
圍不下瓚乃簡募銳士數百人因風縱火直衝突之虞衆大潰虞
與官屬北犇居庸瓚追攻之三日城陷執虞并妻子還薊猶使領
州文書會詔遣使者段訓增虞封邑督六州事拜瓚前將軍封易
侯瓚乃誣虞前與袁紹等謀稱尊號脅訓斬虞及妻子於薊市故
常山相孫瑾掾張逸張瓚等相與就虞罵瓚極口然後同死瓚傳
虞首於京師故吏尾敦於路劫虞首歸葬之虞以恩厚得衆心北
州百姓流舊莫不痛惜

通鑑
六十

興平二年虞從事漁陽鮮于輔等率州兵欲報瓚以燕國閭柔爲
烏丸司馬柔招誘烏丸鮮卑得胡漢數萬人與瓚所置漁陽太守
鄒丹戰於潞北

魏志
列傳

斬丹等四千餘級烏桓峭王亦率種人及鮮

卑七千餘騎隨輔迎虞子和與袁紹將麴義合兵十萬共攻瓚於

鮑邱於是廣陽上谷右北平各殺瓚所置長吏復與鮮于輔劉和

兵合瓚軍屢敗

通鑑六十一

乃走還易京固守

魏志列傳

建安十年漁陽王松據郡會曹操討袁譚於南皮以書招松松舉

雍奴泉州安次以附之

郝經續後漢書

四月故安趙犢霍奴等殺幽州

刺史及涿郡太守二郡烏桓攻

郝經續後漢書攻下有幽州都督四字

鮮于輔於獫

平八月操討犢等斬之乃渡潞水救獫平烏桓走出塞

通鑑六十四

十二年曹操令田疇將其兵為鄉導上徐無山塹山堙谷五百餘

里經白檀歷平岡東指柳城

通鑑六十五

書

惠帝永興元年九月安北將軍都督幽州諸軍事王浚殺幽州刺

使和演自領幽州

晉書惠帝紀

愍帝建興二年二月勒募兵戒期輕騎襲幽州三月壬申勒晨至

薊叱門者閉門先驅牛羊數千頭填諸街巷使兵不得發勒旣入城縱兵大掠勒升其廳事王浚乃走出堂皇勒衆執之使其將王洛生驛送浚襄國市斬之勒停薊二日焚浚宮殿以晉尙書燕國劉翰行幽州刺史戍薊置守宰而還翰不欲從勒乃歸段匹磾匹磾遂據薊城

通鑑入十七

四年十二月幽州刺史鮮卑段匹磾遣信

要劉琨欲與同獎王室己未琨率衆赴之從飛狐入薊

通鑑七十九

元帝太興二年四月劉琨子羣爲末柸所得末柸厚禮之許以琨

爲幽州刺史欲與之襲匹磾密遣使齎羣書請琨爲內應爲匹磾

游騎所得琨別屯征北小城來見匹磾匹磾留琨琨之子遵與琨

左長史楊橋等開門自守匹磾攻拔之代郡太守辟閭嵩後將軍

韓據復謀襲匹磾匹磾殺之并殺琨

通鑑九十

石勒遣前鋒都督孔

萇攻幽州諸郡悉取之段匹磾士卒饑散

通鑑九十一

三年段匹磾

與弟文鶩攻薊

通鑑九十一

後趙

石勒太和二年趙石虎發衆七萬襲段遼於薊遼奔敗

宋書天文志

石虎建武四年二月石虎破幽州遷其人萬餘家

宋天文志

三月虎

進屯金臺支雄長驅人薊

通鑑九十六

遼所署漁陽太守馬鮑等四十

餘城並率衆降於虎支雄攻安次斬其部大夫那樓奇遼懼犇密

雲山虎遣將郭太麻秋等帥輕騎二萬追遼至密雲山獲其母妻

斬首三千級十二月遼自密雲山遣使詐降於虎復遣使降於燕

慕容皝虎遣征東將軍麻秋帥衆三萬迎之皝自帥諸軍迎遼遼

密與燕謀覆趙軍皝遣子恪伏精騎七千於密雲山

通志

大敗麻秋

於三藏口

通鑑九十六

六年慕容皝出蠕蠕塞

欽定熱河志蠕蠕卽居庸之轉音

襲趙長驅至薊城所過焚燒積聚掠徙幽冀三萬餘戶

通鑑九十六

九年石虎使將張舉將萬餘人屯薊東謀慕容皝

宋天文志

太甯元年四月彭城王遵殺趙王世自立時沛王冲鎮薊親討之
留甯北將軍沐堅戍幽州帥衆五萬自薊南下傳檄燕趙所在雲

集

通鑑九十八

燕

慕容儁燕元二年二月慕容儁使慕容霸將兵二萬自東道出徒
河慕輿于自西道出囑囑塞儁自中道出盧龍塞以伐趙霸軍至
三陘趙征東將軍鄧恆焚倉庫棄安樂遁去與幽州刺史王午共
保薊徒河三月燕兵至無終王午留其將王佗以數千人守薊與
恆走保魯口乙巳儁拔薊執王佗斬之儁入都於薊燕兵至范陽
范陽太守李產帥八城令長出降

按范陽郡統涿良鄉方城長甲鄉道故安范陽容城八縣

子儁擊鄧恆於魯口追奔四十餘里儁引兵還薊

通鑑九十八

九月

燕王儁取章武

通鑑九十八

元璽元年燕王儁還薊稍徙軍中文武兵民家屬於薊

通鑑九十九

三年燕大調兵衆因發詔之日號曰丙戌舉

通鑑九十九

慕容暉建熙十年慕容垂叛西平公強帥精騎追之及於范陽世

子令斷後強不敢逼

通鑑一百一十二

秦

苻堅建元十六年正月以北海公苻重爲鎮北大將軍鎮薊幽州

刺史行唐公田洛自稱大將軍甲大都督秦王以治中平規爲幽州

刺史遣兵三萬助重戍薊四月詔遣左將軍武都竇衡及呂光帥

步騎四萬討之北海公重悉薊城之衆與洛會屯中山有衆十萬

五月竇衡等與洛戰洛兵大敗洛擒洛送長安北海公重走還薊

呂光追斬之幽州悉平

通鑑一百三

後燕

慕容垂燕元元年六月秦幽州刺史王永帥眾擊燕燕王垂遣將

軍平規擊王永遣昌黎太守宋敞逆戰於范陽敞兵敗規進據薊

南八月永求救於振威將軍劉庫仁庫仁遣公孫希帥騎三千救

之破平規於薊南

通鑑一百五

二年正月燕帶方太守王佐與將

軍平規共攻薊王永兵屢敗二月永使宋敞燒和龍及薊城宮屋

奔壺關佐等入薊

通鑑一百六

七月燕建節將軍徐巖叛於武邑驅

掠四千餘人北走幽州燕王垂敕幽州將平規固守勿戰規違命

出戰爲巖所敗巖入薊掠千餘戶而去

通鑑一百六

魏

道武帝皇始元年八月己亥大舉伐燕別遣將軍封眞等從東道

出軍都襲燕幽州圍薊

通鑑一百八

十一月丁卯珪引兵南攻鄴章

武王宙自龍城還聞有魏寇馳入薊與鎮北將軍慕容蘭乘城固

守魏別將石河頭攻之不克退屯漁陽

通鑑一百八

二年燕清河王

會聞魏軍東下表求赴難燕主寶許之使建威將軍餘崇將兵五

千爲前鋒崇進至漁陽遇魏千餘騎乃鼓譟直進手殺十餘人魏

騎潰去崇引還始達薊城三月辛亥魏主圍中山壬子夜寶與太

子策等萬餘騎出赴會軍注使中領將軍長孫肥左將軍李東將

三千騎追寶至范陽不及甲寅寶至薊清河王會帥騎卒二萬迎

於薊南丙辰寶盡徙薊中府岸北趣龍城魏石河頭引兵追之及

寶於夏謙澤會整陣與魏兵戰魏兵大敗

通鑑一百九

天興元年三月漁陽羣盜庫儻官韜聚衆反詔中堅將軍伊謂討

之

魏太祖紀

七月冠軍將軍王建討平庫儻官韜

冊府元龜九百八十四

二年

九月范陽人盧溥聚衆海濱稱幽州刺史攻掠郡縣殺幽州刺史